

Inatsisartut suleriaasianni § 37 imm. 1 naapertorlugu Naalackersuisunut apeqquaqat imaattoq matumuuna saqqummiuppara.

**Naalackersuisunut apeqquaqat:**

- 1) Naalackersuisoq sorleq Namminersornermut Inatsisip malinneqarnissaanut akisussaanerpaava?
- 2) Inatsisit inuiannut tamanut tunngasut pillugit, ilaatigut Namminersornermut inatsit malillugu, kikkut akisussaasuuppat?
- 3) Nunap inoqqaatut inuiattullu immikkut Nunatta Kangiani (Tunu) inuit illersugaanissaat piumasarineqarpat, ilaatigut ILO 169 inatsisaasup, Nunap inoqqaavisalu pisinnaatitaaffii malillugit, qanoq iliortoqarnikkut anguneqarsinnaava? *Uani inatsisitigut periarfissat ersarissumik taaqquneqarput.*
- 4) Oqaatsinut politikki pillugu Inatsisartut inatsisaat malillugu, Nunatsinni sumiorpaluutit pingaernerit pingasuusut (3) akornanni, *Tunu*-mi oqaatsit sumiorpaluutit taakkunani akornaniitineqarpoq, immikkulli oqaasiuneranut inatsisitigut nalunaarsorneqarnani. Oqaatsit pisortatigoornerulersinneqassappat, soorlu sumiorpaluutit taanagu, kisianni immikkut oqaatsit pisortatigoortumik nalilerneqassappat, suut inatsisitigut allanngortinneqassappat?
- 5) UNESCO malillugu *Tunu*-mi oqaatsit *Definitely Endangered*, tassa navianartorsiornerusut inissisimatinneqarnerat malillugu, Naalackersuisut qanoq ajornartorsiutaasup iliuuseqarfiginissaanut pilersaaruteqarpat? *Oqaatsit navianartorsiortumut pilersaaruteqartoqanngippat, tamakkiisumik pilersaarusiortoqanngissimaneranut nassuiaasoqarnissaa piumasarineqarpoq.*
- 6) Piorsarsimassutsikkut (kultur) pisinnaatitaaffiit qulakkeertinniarlugit inerisarniarlugillu, Naalackersuisut qanoq ittunik immikkut *Tunu*-mi innuttaasut eqqarsaatigalugit pilersaaruteqarpat? *Uani Tunu-mi, tassa Kalaallit Nunaata Kangiani innuttaasorpiaat apeqqutigineqarmata, taakkorpiaat pillugit taamaallaat akissuteqartoqarnissaa piumasarineqarpoq.*
- 7) Kommune avinnissaanut periarfissamut Naalackersuisut qanoq pilersaaruteqartitsippat, imaluunniit qanoq aqqutissiuussippat? *Pilersaaruteqanngippata tunngavia ersarissarneqarnissaa piumasarineqarpoq.*
- 8) Qanittumi ilisimatusartup kalaaliusup avammut sakkortuumik nalunaarutigaa, Nunattagoq Kangiani (Tunu) innuttaasut ilaatigut politikikkut naqisimaneqartut. Tamanna Naalackersuisut isumaqatigaat? *Uani angerneramik naaggaarnermilluunniit akissut piumasarineqarpoq,*

*taamatullu akisinnaannginnermi nalornissuteqarneq pillugu ersarissumik  
nassuiaateqartoqarnissaa piumasarineqarluni.*

- 9) Kalaallit Nunaanni innuttaasut immikkuullarinnerisa ersarissarnissai, ilanngullugit Nunap inoqqaavisa kinguaavi eqqarsaatigalugit, Naalakkersuisut Kommune-llu naammaginartumik iliuseqartoqarneranik Naalakkersuisut isumaqarpat?

(Inatsisartunut ilaasortaq Lars Poulsen, Siumut)

**Tunngavilersuut:**

Qanittumi kalaalisoq ilisimatusartumiit saqqummiunneqarpoq tamatta Nunatta Kangiani aallaaveqartuusugut misigisarsimasagut, tassa immikkut ittumik Nunatta iluani naqisimaneqarneq ersarissumik piosoq. Piaartumik immikkut pisinnaatitaaffitsigut iliortoqartariaqarnera eqqarsaatigalugu apeqqutit ingerlateqqinneqarput.

Apeqqutigineqartut nutsersimameri nalornissutigineqassappata kalaallisut allaqqasortaa aallaavigineqassaaq. Apeqqutigineqartut ullut suliffiusut qulit (10) iluanni akeqquneqarput.